

卷六

群書考索卷之一

山堂先生章俊嫻編輯
建陽知縣區玉刊行



後集

官制門

官數類

唐官通典云唐官數闕尚書云建官准百鄭玄云虞官六十唐官未聞兼併同道或皆六十并屬官而言則皆有百

虞官明堂位曰有虞氏五十鄭云六十

夏官明堂位曰夏官尚書云夏商官倍則當二百矣而鄭云百二十

商官明堂位曰商官二百而鄭云二百四十合依鄭說

周內官內二千六百四十三人外諸侯國官六萬一千三十二人

秦制等以賞功勞

漢更至丞相凡十三萬二百八十五人哀帝時官數兼諸侯州郡胥吏

後漢內外文武官七千五百六十七人內一千五百一十二人外都計內

書名 群書考索後集殘二十一卷
撰者 宋 章如愚 撰
卷 卷六
內容分類 子-類書 彙考-宋
索書號 大木-總類-志書-通代-33
編號 C5930600

彩色首頁

東洋文化研究所漢籍目錄 編號: C5930600

東洋文化研究所漢籍目錄所藏漢籍善本全文影像資料庫 索書號: 大木-總類-志書-通代-33

漢籍善本全文影像資料庫文本 群書考索後集殘二十一卷


版權所有: 東京大學 東洋文化研究所

使用上的注意事項

M
1 2 3 4 5 6 7 8 9 10 1 2 3 4 5 6 7 8 9 10



所入
圖
書



群書考索卷之六



後集

山堂先生章俊卿編輯

建陽知縣區玉刊行

○官制門

宗正

周官小宗伯掌三族之別以辨親疎成王時彤伯入為宗正名初學記云宗正卿

周官也周封建宗盟封兄弟之國十有五同姓之國三十有五始選其宗中之長而董正之謂之宗正

秦置宗正掌屬籍

漢因之更以序九族。平帝元始中更名宗伯五年又於郡國置宗師

以糾皇室親族世氏致教訓焉選有德義者為之

後漢有宗正卿掌序錄王國嫡庶之次宗室親族又近兩漢皆以皇族

為之楚元王子卬客及劉辟陸劉德等處為之以他族混亦然

晉初兼以庶姓山公啓事自羊祜志篤寬厚不長理劉宗正卿缺不審可轉作否

宋齊不置

梁復置各春卿位視列曹尚書

後周有宗師中大夫掌皇族定世系辨昭穆訓以孝弟

唐武德置宗師晉成寧中亦有宗師以扶風王高為之龍朔改曰司宗光宅改為司屬後

復舊卿一人少卿二人掌皇族外戚簿籍開元中判宗正官屬皆以皇

族為之然自武德以來有以賜姓附屬籍宗正者羅藝徐世勣杜伏威

胡大恩或以功或以來降其後則或借屬籍以寵藩鎮李正己之請附

屬籍李晟之編入屬籍張寶臣之賜姓列於屬籍甚者沙陀首領亦以

功而賜姓繫籍鄭王房

宋宗正寺判寺二人以宗姓兩制已上充闕則以朝官知丞事掌奉宗

廟諸陵薦享之事司皇族之籍。至道中詔張伯梁周翰同編籍。咸

平初詔於宗正寺建屬籍樓又詔修玉牒四年趙安易上新修皇屬籍

三十三卷詔送宗正寺仍接續編纂。祥符判宗正寺趙世長乞於皇

屬籍之上別崇懿號詔以皇宋玉牒為名。八年詔建玉牒殿屬籍堂

于新寺命趙安仁重修玉牒屬安仁又上仙源積慶圖詔歲為一本藏

以御製。聖祖降臨祀冠於列聖玉牒及別修皇朝新譜如唐天潢源

派譜從之。至和元年詔宗正寺故事屬籍十年一修今雖及八年而

宗文蕃衍其增修之。熙寧元年上兩朝玉牒熙寧元年熙寧三年宗正

寺言舊制每年裝成仙源積慶圖宗藩慶緒錄供送龍圖大章寶文閣

如漢宗正歲上名籍也。元豐改制所掌與舊畧同掌序宗派紀屬籍

以昭穆定親疎凡修錄牒譜圖籍其別有五曰玉牒以編年之體以帝

系而紀其世數凡政令貴

罰封域君豐凶祥瑞之事曰屬宗序同姓之親而九其服紀之戚疎

近曰宗藩慶緒系錄譜系之所自出序其子孫而別其名位品秩曰仙

源積慶圖考定世次核分派別而系以本宗曰仙源類譜序男女宗婦

券姓婚姻及官爵遷叙而著其功罪生死凡錄以一歲牒譜籍以十歲

修纂以年分案二屬宗正雜設使之。元豐六年詔宗正寺長不專因同姓蓋自有太宗

正司以統皇族矣。元祐六年詔丞專修纂圖書九月王鞏言玉牒十

年而進自熙寧中范鎮進書之後神宗玉牒至今未修仙源類譜自慶

曆中張方平修進之後僅五十年並無成書乞令修玉牒類譜官每二

年一具草繳進從之。紹聖三年應宗室賜各三祖下各隨祖宗之支

子而下雖兄弟數多並為一字相連三年詔宗正寺正貳提舉諸宮學
以通與唐書職於唐會要國朝會要續會要四朝志

太宗正司

宋仁宗景祐三年置知太宗正即濮王也同知即守節也時宗室衆多
故舉一人令厚監之違失則糾正至和中改為判太宗正寺同知為同
判熙寧置丞二人自唐有百孫院。祥符九年以新昌坊皇親禮會院
額曰嘉慶。景祐二年詔修睦親宅。時以宗戚即第改慶。慶曆七年
賜北宅名廣親。時以秦王宗子蕃。治平元年詔建睦親廣親北宅于
芳林園。

給事中中書舍人

秦加官

漢因之所以或大夫博士議郎掌左右顧問應對位次中常侍侍中黃
門諸給事中日上朝謁平尚書奏事又為左右曹以有事殿中故曰給
事中多名儒國自為之

東漢省

魏後置

唐改給事即為給事中後定為三員。龍朔改門下省曰東臺黃門省給事中掌
侍左右分判省事察洪文館繕寫校讎之課凡百司奏抄侍中既審而
駁正違失

宋太宗從魏羽請置封駁司。又自通進銀臺實給事中之職也然舊例
止出內文書而已。嘉祐中何郊以待制領此職詔令有不便者趣。元
豐五年初除舒亶試給事中自是給事中始正除為職事官凡四人治
六房掌讀中外出納及判後省之事政令失當除授非人則奏駁之。故
中書從熟定草惟執政書押官制行。建炎中因舊制置門下後省以
給事中為長官四員為額

中書舍人

漢尚書侍直宿建禮門奏掌明光殿下筆為誥誥令乃今中書舍人也
唐武德置舍人六人後改中書舍人。掌傳進奏議表章詔旨詔命皆起

八知制誥其餘分署制龍朔改西臺舍人光宅改鳳閣舍人開元改紫
微舍人

宋初中書舍人為所遷官實不任職復置知制誥及直舍人院王行辭
命封還詞頭。元豐正名遂以中書舍人而判後省之事分案五。中
興置中書後省以中書舍人為長官六員常除二員

中書通事舍人

魏晉中書通事舍人。魏晉以來詔誥皆中書令及中書侍郎掌之

東晉省宋復置入直閣內出宣誥命

齊永平初四員各居一省時謂之四戶權傾天下與給事中為一流

梁除通事字直曰中書舍人自是詔誥之任舍人專之

後周曰小史上士二人

隋四內史舍人八員。煬帝減四員改為內書舍人

唐武德改中書舍人置六員自永淳以來天下文章道德臺閣髦老傑
不以文章達故中書舍人為文士之極任朝廷之盛選諸官無比

祠祿

宋朝祠祿之官以佚老優賢祖宗時員數絕少自熙寧以後乃增置為

是時方經理時政恐疲老失職欲悉去之乃使任宮觀以食其祿時王

安石亦欲以此處異議者遂詔宮觀毋限員並差知州人以三十月為

任。在京觀宮舊制以宰相執政充使或丞郎學士以上充副使兩省

或五品以上為判官內侍官或諸司使副為都監又有提舉提點主管

官其戚里近屬及前宰執留京師者多除宮觀以示優禮之意。紹興

二十一年在京宮觀作在外宮祠以三十個月為任。宮觀使宮觀置

使自祥符中始真宗建玉清昭應宮王旦為首始命充使宮觀置使自

請罷。明道中錢惟演以使將為景靈宮使治平中改李端厚為醴泉

觀使使相節度領內祠自此始後有集禧使太平四年高郵以有太乙

宮使元祐元年馮京以有同醴泉使元祐八年尚書左丞與書以時議

以為非宰相不除遂置同醴泉使有祐神觀使太平元年尚書右

宗建玉清神霄萬壽宮乃命宰相執兼副用貞廟故事也近以不執奉朝

請者領在京宮觀使而在外舊相只除提舉宮觀非祖宗優待宰相之體

提舉宮觀

宮觀置提舉自康定始康建元年李若谷罷參知政事留京師以資政殿大學士為提舉

景靈觀事宮觀置提舉自此始自是學士待制知制誥皆得為提舉

醴泉觀元豐元年皇城司劉永壽為提舉六年時君卿以皇城司為提

舉大觀三年姚雄以右金吾衛上將軍充使

萬壽觀元豐元年左藏庫使昌州刺史曹誌為提舉八年龍圖閣待制

趙彥若為提舉

佑神觀大觀六年尚書右僕射兼中書侍郎趙挺之除觀文殿大學士

充使

在外宮觀宋朝宮觀皆候力請而後授待從而上任宮觀者絕少若因責

降改作主管方直差為熙寧初王安石相異已者方直除宮觀大抵

非自陳而朝廷特差者如降黜之州雲水觀建州武夷觀台州崇道觀

成都府玉局觀建昌軍仙都觀江州太平觀汝州玉隆觀玉隆觀玉隆觀四年詔宮

岳廟並依嵩山崇福觀舒州靈仙觀置均管或稱學宮燕宮

觀岳廟留官一員餘聽如分司致仕例從便居住六年詔六十以上者

乃聽差毋過兩任兼用執政恩例者通不過三任後蔡京用事增廣職

任崇寧三年添宮觀十政和三年添三十選人亦許乞岳廟祠宣和中

御史臺

御史之名周官有之掌贊書而受法令

戰國亦有御史秦趙澠池之會各命書其事則皆記事之職。至

秦漢為糾察之任所居之署

漢謂之御史府亦命之御史大夫寺亦謂之憲臺

後漢謂之御史臺亦謂之蘭臺寺以尚書為中臺御史為憲臺謁者為

外臺謂之二臺

梁及

後魏比齊或謂之南臺

後周曰司憲

隋及

唐皆曰御史臺龍朔改憲臺咸亨復舊制但聞風彈事提綱而已其鞫案繫禁則委大理。正觀中中丞李乾祐以囚自大理來往滋其奸乃奏於臺中置東西兩獄以自繫劾開元復罷。武后時改御史臺為肅政臺置左右左以察朝廷右以澄郡邑龍朔後改肅政之名但為左右御史臺。睿宗詔二臺並察京師大極元年以尚書省悉隸左臺遂廢右臺至德後諸道使府參佐皆以御史為之謂之外臺

宋沿唐之制設御史臺大夫無正員止為兼官中丞除正員外或帶他官次有知雜御史一員副中丞刑臺寺其屬有三院一曰臺院侍御史隸焉二曰殿院殿中侍御史隸焉三曰察院監察御史隸焉舊制三院多出外任風憲之職用他官領之。太平興國三年以張巽為監察御史正名舉職自此始唐制御史不專言職。天禧始置司事御史唐太宗時有御史裏行之名景祐中始置以處御史之官卑者唐儀臺察有

六監司。元豐三年李定請復六察於是以前御史專領六察其後以中丞為長知雜御史為侍御史言事官為殿中侍御史六察官為監察御史

御史中丞

周官小宰之職掌建邦之宮刑凡宮之糾禁注云即今御史中丞也

漢丞秦制御史大夫有兩丞一曰御史丞二曰中丞亦謂中丞為御史

中執法中丞在殿中蘭臺掌圖籍外督部刺史內領侍御史十五人受公卿舉劾按章居殿中察舉非法。武帝以中丞督司隸司隸督丞相

丞相督司直司直督刺史刺史督二千石下至黑綬及御史大夫轉為司空而中丞出外為臺率薛宣為中丞執去殿中外總部刺史陳成為中丞總領州郡谷永上疏切見薛宣前為中丞執憲穀下

哀帝更中丞為御史長史。光武復改中丞為尚書令司隸校尉朝會皆有專席而坐言大尊也。

魏初改宮正後復為中丞

晉宋以下不置大夫以中丞為臺主晉與司隸分察百僚宋與尚書令分道

齊中丞職無不察專道而行。自

齊梁謂之南司

後魏為御史中尉

後周有司憲中大夫

隋以國諱省中丞置大夫為臺主以治書侍御史二人代中丞之任

梁為中丞明帝曰今君為南司足以振肅百寮晉侯史光為中丞光在

我寬仁而不縱唐峻為中丞威而不冠晉李喜遷中丞鄧隗為中丞後

魏李彪為中丞皆彈奏不避強禦汪左拜中丞不得復入尚書省中丞鹵簿至百官路

唐高宗復號中丞龍朔改司憲大夫咸亨復唐制大夫掌以刑法典章

糾正百官罪惡中丞為言貳大事裁奏小事專達

會昌初中書門下奏大夫秩崇官不常置

宋沿革見總論自中丞以下掌糾繩內外百官肅清朝延紀綱大事延

辦小事奏彈仁宗嘗言御史官須重知治體者方可用趙鼎為

周御史掌邦國都鄙及萬民言治令以贊冢宰凡治者受法令為公其

在殿柱之間亦謂之柱下吏

秦改為侍御史張蒼奉持為御史主

漢因秦制置侍御史十五員御史大夫自謂繡衣御史武帝置之

後漢有掌察舉非法受公卿郡吏奏事有違失舉劾言以公府錄屬高

策輔或牧守議郎即中為之惟法所在二漢所掌凡五曹豹尾之內使

為禁省後漢侍御史威烈赫奕莫之敢犯魏安帝時奏

魏八人當大會殿中御史替白筆側陞而坐。晉侍御史九人頗用郡

守為之

宋齊十人

梁陳皆九人居曹糾察不法

隋八人

唐四人又置內宮奉掌糾劾百僚侍御史號臺端其知雜事者謂之雜

端最為雄劇食坐之南設橫具謂之南牀殿中監察不得坐凡侍御史

之例不出累月遷登南省故號南牀建中元年以侍御史分掌公解推彈

自是雜端之任輕矣唐李素立為侍御史開元初楊真為侍御史與尚書
若尊恐脅以成姦臣之謀御史基可變矣
徐有功為侍御史遠近聞之皆傾然相賀

宋沿革 見總論

殿中侍御史

魏蘭臺遣御史二人居殿中伺察非法故曰殿中侍御史

晉置四人

東晉省二人

梁有四入掌殿中禁衛內事

後魏北齊皆有

隋改為殿內侍御史置十二人。**煬**帝省

唐武德置殿中侍御史四員正觀增二員掌殿廷供奉之職京畿諸州

兵皆隸焉彈舉違失號為副端正班列於閣門之外至文明元年又置

殿中裏行 唐法殿中侍御史遷拜及職事與侍御史在殿中裏殿察兩院在柱外

宋治華觀殿中侍御史二人掌言事糾糾大朝會及朔望六參官班序

。元豐八年詔殿中侍御史兼察事監察御史兼言事

監察御史

隋置初東晉置檢校御史知行馬外事

宋齊梁陳並置

後魏北齊復置十二人

隋改檢校御史為監察御史凡十二人。**煬**帝增置二十六人

唐武德初置八人正觀廿二年加二人其外又置監察御史裏行以馬

周為之自此便置裏行之名掌分察百僚巡按郡縣視刑獄肅朝綱監

察御史職知朝堂正門尤精非因奏事不得入至殿庭開元七年新隨

職大督十四年監察御史分察尚書省六司魏曰

宋御史多出外任風憲之職以他官領之。興國三年詔本司自薦屬

官俾正名舉職用太常博士張巽為之。嘉祐四年中丞韓絳舉御史

而恨資任屢舉不應格於是絳請置裏行從之初以王陶為御史裏行

。熙寧三年除秀州判官李定權監察御史裏行選人為御史自定始

元豐三年詔御史專領六察又詔御史六員以三員分領察案三員專言事。五年詔秘書殿中內侍省不隸六察如有違慢委言事御史彈奏。七年大正官各以言事官為殿中侍御史六察官為監察御史掌六部之事及在京百司。徽宗時如辟雍大晟府算學士之類皆不隸臺察。崇寧大臣欲其便已而南臺御史亦有不言事者自。大觀臣僚申請而辟雍之類復隸御史自胡舜陟申請而本臺始增入御史言事之文

御史臺主簿

西漢張忠為御史大夫署孫寶為主簿。

隋大業始置御史臺主簿二員

唐省一員堂付事勾稽省署抄自。正觀中自張弘濟為此官之後遂為美職

宋有一人掌受事發反勾檢稽失兼簿書錢穀之事。元豐中李定請置主簿一員點檢六案文字。元祐元年大理寺梁閱置主簿

主管。紹興三年詔御史臺令缺長貳檢法主簿符令殿中侍御史總奏辟

御史臺檢法

宋御史臺主簿二員。熙寧十年改主簿作檢法各一員繫長貳同舉京官充。元豐四年罷六年因黃履奏復置各一員。元祐三年改檢法為主簿。紹聖二年因董道逸奏請復置。紹興二年呂頤浩撥下部差官未幾復詔本臺辟時長貳令會統奏辟

諫議大夫

周保氏掌諫王惡司諫掌糾萬民之惡至

秦置諫大夫掌論議無常員多至數十人屬郎中令

漢武元狩中置宣帝選諫大夫出為郡守蕭望之選遷諫大夫至宣帝時出補郡守上疏曰出諫官

以補郡守朝無。光武以諫大夫為諫議大夫無常員兩漢並屬光祿。勳

後周地官有保氏下大夫規諫於天子蓋比其任

隋亦曰諫議大夫置七人屬門下省。○煬帝廢

唐武德復置屬門下太宗時諫官入閣王珪嘗為諫議大夫太宗詔諫

魏澄拜諫議大夫或至卧內計天下事務龍朔改為正諫大夫後又置

諫議大夫屬中書開元以來廢正諫大夫屬門下凡四人掌侍從規諫

高適明皇在蜀為諫議大夫負氣敢言肅宗時置兩省正元四年德宗

官十日一上對白居易與元稹書僕為諫官月請諫紙拜右諫議大夫

分為左右各置四員左隸門下右隸中書陽城德宗召拜右諫議大夫

懷微泣下罷裴延齡穆宗召費文言為諫議大夫羣指

補名柳公權論事不阿帝以為有諫諍風可居諫大夫

宋承五代之弊官失其守故官職差遣離而為三官裁已定俸入耳而

不親職諫議大夫司諫正言皆須別降勅許赴諫院供職者方為諫官

亦有領他職而不預諫諍者其他由官領者帶知諫院以兩省官充掌

供奉諫諍凡朝廷闕失大則廷議小則上封時雖除諫官而未置諫院

○明道初陳執中為諫官屢請置院於是以門下省為諫院徒舊省於

左掖之西置諫院始此田錫遷諫議大夫真宗見之色必壯嚴景祐二

列是為耳目之官景祐四年姚仲孫言諫議大夫居諫官之上慶曆

三年田况每諫官日奉朝請則可以日聞朝廷之事况每日於內朝

元豐正名左右散騎常侍各一人既闕不除而左右諫議大夫遂為諫

垣之長專言責為左隸門中右隸中書同掌規諫諷諭凡朝政闕失任

用他司有失皆得諫正王安石入司政事孫莘老李公擇居諫職二人

益兩參知政事元豐七年諫議大夫趙彥若言事詔降彥若一官云

朝廷自修復官政小大群司皆有職守彥若輒侵法守論事不可不懲

元祐元年王岩叟言近降旨兩省諫官出入異名勿與給事中中書舍

人通事使賜限諫官不使在政事之堂恐知本未數論列耳詔諫官直

舍仍○建炎中興始詔諫議大夫不隸兩省別置於後省之側許與兩

省官相見議事。紹興元年詔中書門下後省諫院官吏並依舊赴三

省內元置局處供職

司諫正言

唐武后垂拱中置左右補缺左右拾遺掌供奉諷諫開元以來尤為清

選左屬門下右屬中書

宋端拱元年改左右補缺為左右司諫左右拾遺為左右正言是時太

宗欲令諫官修職故詔改其官後亦有兼他官不供諫職者。元豐官

制左右司諫各一人正七品左右正言各一人從七品同掌規諫諷諭

分隸兩省中興之初詔不隸兩省。紹興三年復。淳熙十五年用林栗請於正言司諫外增置補缺拾遺各一人專職諫諍不許彈繫太宗即位省之。

司諫

宋朝咸平中种放對便殿尋授左司諫真宗曰賞一逸人可勸天下明道中執政除觀舊二人為正言司諫上謂曰祖宗法制臺諫官必出自宸衷若大臣自除則大臣過失無敢言

補缺

唐韋溫為補缺時宋申錫被誣溫昌言曰吾輩諫官豈避一時之雷電而致聖君賢相蒙蔽惡之咎耶鄭餘慶子漸為右補缺獻疏切直至憲宗遂遷舍人韋處厚擢左補缺帝曰韋處厚上疏其言切直顧人未知爾中外推其精密文宗言宰臣曰太宗得魏證採拾缺失今得魏謩命授左補闕

正言

宋神宗荆公上田正言書今聯諫官朝夕天子耳目行事即一切是非無不可言至道元年和嶠遷右正言獻歌詩稱奇

拾遺

唐白居易上疏蒙恩授左拾遺謹按六典其選甚重其秩甚卑簡端為左拾遺袁薦張鎬為拾遺不數年出入將相陳子昂為左拾遺上疏陳事詞皆與袁右拾遺張方回每朝政有失疏命昂然進不懼死

史館

黃帝時置史官

夏商大史夏終古商高勢

周大史小史內史外史而侯國亦置史。

秦有太史令。

漢武帝始置以司馬談為之子遷嗣宣帝令行太史公文書修撰之職以他官領於是太史之官唯知占候而已王莽置柱下五史。

後漢至

隋唯

魏明大和中史職隸中書其餘多隸秘書

唐武德四年始置修文餘隸門下省九年改為弘文館神龍元年改為

則後為弘文館也正觀中建史館於禁中專掌國史至開元七年於乾元殿東

廊寫四部書置刊定官以麗正殿為修書所十二年召學士張說等宴

於是為集賢館麗正殿也以修書所為集賢殿書院三館之名肇於此

矣自此集賢昭文置大學士史館置監修國史皆以宰相兼領之又置

學士直學士修撰直館校理之職亦以他官領之其昭文館隸門下省

史館寓於集賢尚未合為一

梁遷都初舊制未備至正明中始以今古長慶門東比小屋十數間為

三館即所廢四秋隘卑瘠徹道出於其旁每受詔所撰述即移於他所

以成之訖

宋初以經營四方未暇改作。太宗因幸故館覽舊社顧左右曰豈

所以待天下之賢後耶即日詔有司度左果龍門比車府地為三館

宇之制皆上所親被輪煥地翼冠於內庭又於四序啓便門以備行幸

於是盡遷三館之書分於兩廊貯焉東廊為昭文書庫南廊為集賢書

庫西廊凡四庫分經史子集四部為史館書庫初乾德中平蜀得書萬

三千卷開寶中平吳又得書二萬卷參以舊書分為八萬卷凡六庫書

皆以類相從簡策府翕然一變矣宋熙太宗實錄

監修國史一人以宰相為之修撰直館檢計無常員修撰少朝官充

直館檢計以京官充堂修日曆及典司圖籍之事凡國史別置院於宣徽北院之東藏

之謂之編修院東記云俗呼為史院天聖修真宗史欲重其任降勅宰相為提

舉參政樞副為修史其同修史則以殿閣學士以上為之編修官以三

館祕閣校理以上及京官充史畢即停。元豐改官制日曆隸國史案

每修前朝國史實錄則別置次錄院以首相提舉翰林以上為修國史

侍從官為同修史疾官為編修官實錄院提舉官如國史從官為修撰

官餘官為檢討中興時即祕書省建史館以修神宗世宗實錄選本省

官餘官為檢討中興時即祕書省建史館以修神宗世宗實錄選本省

官兼檢討校勘以待從官充修撰。紹興初又移史館於省之側別為一所以增重其事至九年始修徽宗實錄乃命史館開實錄院宰相監修但提大綱檢討官搜閱校對惟修撰實專史職只據所送到時政記唐長壽中鄭壽請使下所言宰相實錄魏時政記自壽始五代中書推密院皆置太平興國中蘇易簡為參政自是中書皆參政編錄端拱以後樞密院事皆送中書司修為一書及正副等治乞別撰不關中書直送史館

起居注

漢武帝有禁中起居注自

魏至

晉起居之職掌於著作其後亦命近臣主掌其事至

後魏始置起居令史每行幸宴會則在御座左右記錄帝言及賓客語

後又別置起居注二人

北齊有起居注二人

隋朝置起居舍人二人以掌內史

唐朝起居之官隸於門下顯慶中即與舍人屬兩省每皇帝御殿即左

右史夾贊樂分立於殿下螭頭之側和筆滯毫皆就螭頭之一處有海則臨陛俯聽對而書之凡典禮文物冊命啓奏臣僚薨絕懲惡勸善悉載於起居注季冬則授於史官以俟筆削。元和中詔有事可備勸戒合紀述者委其自悉宰相宣示左右起居令其不錄仍作舊例季冬送於史館。太宗太和中起居郎起居舍人準故事入閣日齋紙筆立於螭頭以記言動開延英召大臣論事亦然。宋朝淳化中張泌請別置起居院及左右史之職記言動為起居注詔從其請尋以周翰掌起居郎李譜掌起居舍人事銓次其事排以日月謂之日曆詳見日曆所門

提舉

宋乾興元年命司徒監修國史馬拯專修提舉監修。天聖中宰臣王曾提舉監修真宗實錄兩朝史時王旦未領監修故特授詔已監修而無再授勅為提舉蓋一時之制也

監修國史

國朝舊以宰相為之修國曆也故常帶入銜若先朝正史則別置緝修院宰相為提舉。紹興中詔國史院宰臣提舉。乾道初詔修政虞允文兼提舉修三朝國史。中興以來參政兼提舉自此始

監修

北齊詔魏收撰史又詔高隆之總監之書名而已

唐太宗以宰相監修國史及以他官兼領房元齡為監修而給事中許敬宗兼唐制宰相四人內一人帶監修

宋從唐制史館有監修皆宰相領故事宰相兼領皆內降志處分。乾德初以趙普兼監修止用敕非舊典也。開寶中薛居正以參政監修

自後參政亦有管勾修國史者不常置。至道中修太宗實錄宰臣呂端雖帶監修國史而不預焉其後重修太祖實錄遂詔呂端等同修端

罷相李沆繼成焉。景德中監修國史舉士安卒參政王旦權領史館實為監修國史之職。慶曆中呂夷簡罷相帶監修國史優老臣也

唐以令狐德棻請修近代史遂命修撰名始於此。唐史館修撰四人掌修國史

宋從唐制史館有修撰以他官領取最上一員判館事故事史館每月撰日曆皆判館與修撰官直館分季撰其後止修撰官及判館撰次。

祥符中以高綽為史館修撰綽即王欽若所引不令修纂止令權判吏部銓自是五品以上方掌修撰。天聖中石中立充史館修撰有司引

綽例亦不修日曆。乾興初李準等言修撰官舊四人今只二人望擇館閣官二員充編修官遂詔王舉正李淑同編修。元豐國史隸秘書

。元祐中就門下置局。紹聖初復還秘書閣舊有修撰官至是改為修國史以尚書翰林充同修以侍郎以下充。紹興中以修神宗哲宗

徽宗正史置修史一人同修一人編修二人

檢討

宋淳化中以郭延澤董元亨為史館檢討。至和中詔令後檢討不得舉試館職。嘉祐中韓琦奏史記日曆未修者積十餘年今將修先朝

考索後集卷之六

實錄而日曆未備檢討缺官詔以呂夏卿韓維兼史館檢討

群書考索卷之六

後集

群書考索卷之七

後集

山堂先生章俊卿編輯
建陽知縣區玉刊行
元峯蕭泗投正

官制門

翰苑類

翰林學士承旨

唐始置翰林學士無承旨至憲宗永正元年始命鄭絪為承旨位在諸學士上居東第一閣大誥令大發置承相之密書內外之密奏上之所甚注意者莫不專受專對承旨院記

宋承旨不常置以院中久次者一人充會要

翰林學士

唐學士之職本以文學言語備顧問出入侍從因得參謀議納諫諍其禮尤寵職。翰林院者在銀臺門內以藝能伎術召見者之所處也職